

# Samwela Wafuukulapo Kwingijila Yehoba

1 SAMWELA BITANGO 1-3

NANGWA KYA KUBA **SAMWELA** WAJINGA MWANYIKE BINGI, AYE WAJINGA **MUNAZILI**. KECHI WATENDANGA NSUKI YANJI NE, KABIJI WAINGIJILANGA YEHOBA MU **JISHINDA** JAWAMA.

**SAMWELA**, WINENGEZHA NYI? USA KWI-KALANGA PONKA PANO NA KWINGIJILANGA YEHOBA PA **TENTE WA LUSAMBAKENO**.

NENENGEZHA, BINO **NKEMUVU-LUKANGA**!

NE AMIWA NKAKUVULUKANGA MWANAMI! NANCHI WAYUKA KYO WAFWAINWA **KUBUJILA** KWIKALA NA MOYO NYI?

EE MWANE. INGE NAFWENYA **KWIPI NA YEHOBA**, NAYE UKAFWENYA KWIPI NE **AMIWA**.

AMIWA NE **ELI**, NANGA MUKATAMPE. **SAMWELA BAMBAKANA**. KATATAKATU **UKATENDE-KE** KWINGILAKO UNO MWINGILO!





PA KUPITAPO MYAKA, SAMWELA WAMWENE'MBA **KECHI BONSE** BAJINGA PA TENTE WA LUSAMBAKENO BATEMENWE YEHOBA NE. NANGWA BAANA BA KWA ELI, BAJINGA **BAÑANGA**, **BAKATAZHANGA** BANTU KABIFI BAJINGA NA BYUBILO **BYATAMA**.



BAANA BA KWA ELI **KECHI BAKOOKELANGA** YEHOBA NE, **BAIBILE** MILAMBO YAJINGA YA YEHOBA, KABIFI BAJINGA NA **BYUBILO BYATAMA**. BINO ELI **KECHI WIBAKANYANGA** NE, NANGWA KYA KUBA NGAUZHIMU WAMUJIMWINEKO AMBA YEHOBA UKAMUKAMBULA PAMO NE KISEMI KYANJI.





PA MWAKA PA MWAKA, BANSEMI  
BA KWA SAMWELA BAIYANGA NA  
KUMUMONA NE KUMULETELA  
MUKANGYO WABULA MABOKO.

MAMA! TATA!  
NEMUVULUKA  
BINGI.

SAMWELA  
KWAPYA KA?

MWAMBUIJILE'MBA  
PA TENDE WA LUSA-  
MBAKENO KE MPU-  
NZHA YAZHILA. BINO  
BANTU BAMO BAJI  
PANO BAJI NA BYUBILO  
BYATAMA.

BINO INGE  
WATWAJIJILA  
KUBA BINTU  
BYAWAMA . . .

NAYUKA,  
NSA  
KWESEKA.

NAUMVWA MWANA-  
MI. YEHOBÄ NAYE  
WAYUKA. UMONA  
BYONSETU.

KALA, NE AMIWA  
KU MUCHIMA  
KWAMFICHILE MA-  
MBO KECHI NASE-  
MENEPO MWANA  
NE.

BINO YEHOBÄ  
WAKUMBWILE MILOMBE-  
LO YAMI—NASEMENE  
OBEWA! YEHOBÄ KIMYE  
KYONSE UKWASHA BALU-  
NDA NANJI.

LOMBA KWI YEHOBÄ  
USAKUKUKWA-  
SHA, KABIJI AMIWA  
NE BASHOBE TUSA  
KUKULOMBELANGA-  
KO NE ATWEBÄ.

MWAAMBA  
KINE MAMA.  
NASANTA.



SAMWELA WAKOMENE NE KWIKALA KALUME WA KISHINKA WA YEHOBA. NA BUKWASHO BWA YEHOBA, WASANGALELE NANGWA KYA KUBA BAKWABO BAJINGA NA BYUBILO BYATAMA.



JUBA JIMO, YEHOBA WATENDEKELE KWINGIJISHA SAMWELA MU JISHINDA JA KUKUMYA. AYE WAICHILE SAMWELA.

SAMWELA!



SAMWELA!



AMBAINGA, KALU-  
ME WENU UBENA  
KUMVWA.



NA MAMBO A KUBA SAMWELA WAFUUKWILEPO KWINGIJILA YEHOBA NANGWA BAKWABO KECHI BAFUUKWILE BULONGO NE, YEHOBA WAMWINGIJISHE MU MASHINDA AKUKUMYA.

**ÑANYI BINTU BYO TUFUNJILAKO KU JINO JISHIMIKILA?**

ÑANYI BINTU BYALENGEJILE SAMWELA WAJINGATU MWANYIKE KUKATAZHA PA KWINGIJILA YEHOBA?

PA KUBA'MBA UYUKE: 1 SAMWELA 2:12, 17.

MAMBO KA YEHOBA KYO ASAJIJILE SAMWELA KWIKALA NGAUZH?

PA KUBA'MBA UYUKE: 1 SAMWELA 2:26.

NANGWA KYA KUBA BAKWENU BAJI NA BYUBILO BYATAMA, WAKONSHA KUFUUKULAPO BYEPI KWINGIJILA YEHOBA?

PA KUBA'MBA UYUKE: MASALAMO 26:9-12.